

म्हारो बेड़ो पार लगा दीज्यो

म्हारो बेड़ो पार लगा दिज्यो पितर जी महाराज,
पितर जी महाराज, म्हारा घर का हो सरताज,
म्हारो बेड़ो पार लगा दिज्यो पितर जी महाराज।

मने घर में बासो थारो, म्हानै और ना कोई सहारो,
म्हारा संकट आज मिटा दिज्यो, पितर जी महाराज,
म्हारो बेड़ो पार लगा दिज्यो पितर जी महाराज।

थारै नाम की रात जगावां, थानै मंगल गान सुनावां,
थे साचा परचा दे जाइयो, पितर जी महाराज,
म्हारो बेड़ो पार लगा दिज्यो पितर जी महाराज।

हौवे घर में परचा थारा, दुख संकट कट जाए म्हारा,
म्हानै आकर दर्श दिखा जाइयो, पितर जी महाराज,
म्हारो बेड़ो पार लगा दिज्यो पितर जी महाराज।

थारो भेद कोई ना पायो, यूं पेर्म पुजारी गायो,
म्हारी सबकी बात बना जाइयो, पितर जी महाराज,
म्हारो बेड़ो पार लगा दिज्यो पितर जी महाराज।

जो थारी शरण में आया, हृदय से उसे लगाया,
म्हौरे आनन्द मंगल कर जाइयो, पितर जी महाराज,
म्हारो बेड़ो पार लगा दिज्यो पितर जी महाराज,
म्हारो बेड़ो पार लगा दिज्यो पितर जी महाराज॥

<https://www.bhajanganga.com/bhajan/lyrics/id/23764/title/mharo-bedo-paar-laga-dijyo>

अपने Android मोबाइल पर [BhajanGanga](#) App डाउनलोड करें और भजनों का आनंद ले |